

書



中州庚集第七

蘭泉先生張建 二十二首

張瓚一首

毛宮教庵 七首

朱宮教瀾 三首

姑汾漫士王琢 六首

呂中孚 九首

王元節 三首

李端甫 二首

楊澤州庭秀 二首

孫省元 鎮一首

張著 二首

景覃 一首

段繼昌 五首

岳行甫 二首

迂齋先生周馳 二首

劉太常 驛七首

李扶風節 二首

劉勳 十三首

李解 四首

秦略 一十三首





張珺 二首

馬編修天來 一首

張內翰本 一十首

申編修萬全 二首

崔遵 三首

王主簿革 一首

衛丞慶 一首

劉昂霄 一十四首

田紫芝 三首

王萬鍾 三首

雷瑄 一十九首

王高州賓 三首

李夷 三首

郭邦彥 六首

史學 八首

侯冊 五首

王元粹 三十三首

王懋 一十二首

蘭泉先生張建

建字吉甫蒲城人明昌初舉才行授絳州教官召為官

教應奉翰林文字以老乞身道陵愛其淳素不欲令去

左右眷眷久之超同知華州防禦使事仍賜詩有從今

晝錦蓮峯下三樂休誇榮啓期之句士林榮之吉甫自

號蘭泉老人有集行於世其論詩云作詩不論長篇短

韻須要詞理具足不欠不餘如荷上洒水散為露珠大

者如豆小者如粟細者如塵一一看之無不圓成始為

盡善吉甫詩雖不能盡如所言然亦未為無所得也

擬古十首

飛雲何冉冉高與日月齊中有兩仙人盛服持玉圭我

欲從之游天險不可躋邈焉望不及短日西山西

客從岳頂來貽我松粉黃為言服之身輕欲飛翔我



嘗淡無味我嗅寂無香還君三太息世好方膏梁  
枯桑依頽垣摧折生理微剝我枝間葉備君身上衣葉  
盡誰復顧棲鳥來亦稀君看牡丹襲日日笙歌圍  
青青河濱柳柯葉柔且妍一從智巧萌成賊為枉捲器  
成豈不佳天質失自然爭如河堤上濯濯披春煙  
石泉何清冷中有九節蒲蒲性本孤潔不受滓穢汗一  
移入城市生意寄泥淤翠葉日焦卷不霜而自枯寄言  
守靜者勿涉奔競途

庭前蘭蕙窠三年種不成門外早蒺藜一旦還自生弟  
恐傷我足鋤去根與萌如何一雨後走蔓復縱橫  
有客曳長裾袖刺謁高閣低頭拜閣者始得通姓名三

人果厚眷開宴海陸并顧必丞彼顏語必順彼情不如  
茅簷下飽我藜藿美

拳拳嶧山桐一樹十二枝枝分十二律所指各不移胡  
為師襄子獨謂東南竒一律不可闕一枝不可遺誰能  
以此意說似典樂變

美人何熒熒頰若茗之英絕世而獨立一顧傾人城三  
星正當戶俟我亦在庭之子無良媒不敢犯露行  
丘中有一士顏貞清且癯緼袍僅蔽體蔬飯不滿盂時  
出蓬華門鼓腹歌黃虞不知何所得矯首望八區

山中

林櫻墮紅珠打着琴上絃山人時一笑愛此聲琅然



韓信廟

一檄風馳萬壘降當時意趣已難量既能歸漢識真主  
何必下齊未假王將慳深嚴巖樹碧門旌搖曳嶺雲黃  
我詩責備春秋法勝把君侯美處揚

送張子玉

渭水玻璃碧秦山劔戟明秋光如我瘦行色與君清蟬  
嘒西風柳鴉翻落日城歸舟幸無物且莫苦貪程

梨花

蠹樹枝高茁朶稠嫩苞開破雪搓毬碎粘粉紫鬚齊吐  
潤卷丹黃葉半抽月影曉窓留好夢雨聲深院鎖清愁  
瓊胞已實香猶在散入長安賣酒樓長安酒樓有梨花樓

荅華陰宋先覺

雲臺清建憶當年詩筆逢君厭老拳後會邈如千里遠  
壯懷不似十年前風帘搖曳橋南酒煙樹溟濛渭北天  
咫尺靈山飛不到夢魂長遠玉峰蓮

送賀彥淳還南郊

玉峰明滅暮雲邊默計歸程約半千襁負尚伶靈照幼  
家貧賴有孟光賢臨歧淚眼三年別夾路風槐六月天  
佇立望君西去遠夕陽村落起孤煙

山村風雨圖

雨昏山店望未見風緊傘簷張不開莫訝披圖便成句  
為曾行到此中來吉甫又嘗有詩云風卷早塵撥馬過  
雲移涼影趁人行其寫目前之景甚



與山村風雨詩  
相侶今附于此

賦胡直之溪橋蓮塘二首 漁父詞體

溪橋脚下水平分  
橋柱萍粘浪打痕  
天向晚日攙昏兩  
簇青煙斷岸村

拂拂輕風漾翠瀾  
粉煤新撲小荷盤  
塘水漲岸痕漫草  
閣臨流五月寒

雜詩二首

瓦餅擔山泉石鼎煮巖菊  
燎以松桂枝清芬蒲茅屋  
踏雪尋梅花雪梅同一色  
不是暗香來梅花尋不得

俊師定庵

濟泓石上泉照我良是我輕風一蕩激  
真態互掀簸乃

知求慧性非戒定未可道人此名庵  
千劫付一坐海月自澄明  
天花任飛妥吾生劇萍梗  
萬里信漂墮湛然摩尼珠  
坐受昏塵累何時陪遠公  
同社事香火

送王主簿還鄉

笑君習氣只書生薄有歸裝亦自清  
瘦僕擔詩雙籠重羸牛引軛一車輕  
長亭已過那知遠別酒猶多未忍傾  
記取明年斷腸處玉梨花底月三更

張瓚

瓚字器之河中人才氣超邁時輩少見其比  
年未二十以鄉試魁陝西河東不幸早世  
張吉甫弔之云惜哉器之真丈夫少年讀徧天下書  
一事不成死於途苗而不



秀有矣夫秀而不實有矣夫其為名流所嗟惜如此

游棲巖寺

林表招人白塔明竹間蘭芷石泉清惠崇水墨西軒景  
煙帶平蕪水帶城

毛宮教麾

麾字牧達平陽人大定十六年舉學行特賜進士出身  
授校書郎入教宮披歷太常博士終于同知沁州軍州  
事有平水集行于世

無題一首

小顰對起石州山楊柳分青入髭鬚乍識春風眼如鵝  
為誰無語獨憑欄

游河西孫氏園

亭榭依山水亂鳴已如罨畫障中行照溪芳樹紅雲合  
迎客幽禽翠羽輕豪氣未饒金谷友醉魂如到錦宮城  
猶慙歸騎忽忽去不得持盃待月明

魏城馬南瑞以異香見貽且索詩為賦二首

梅心蘭甲類元同氣壓荀家百和功借潤更煩纖手玉  
出雲初試博山銅崇朝日下亭亭益三月花間細細風  
我有因緣在香火鼻端消息為君通

二卉真香豈復加便宜編譜入雄誇留殘一點著微水  
幻出諸天蒼葛花佩帶正垂金鈿小薰爐孤起翠雲斜  
金籠甲帳豪華事慚愧桑樞甕牖家



新春雪與韓府推

春到千門氣自嘉更教飛雪助年華六街官柳枝枝絮  
一夜江梅樹樹花况是縱吟多伴侶直須爛醉作生涯  
掃庭迎客東風裏幕府風流有故家

和思達兄杏花

碎剪明霞役化工曉園香散暖煙中羞逢柳眼三眠白  
分得桃腮一笑紅上苑繁華迷故國曲江顛顛老春風  
欲傳此恨花無語強對茅時作醉翁

春賞

潤入梅天雨乍晴喚回春意有新鶯雲霞照眼青山近  
羅綺吹香白晝明翠勺銀罌沽酒市暖風遲日賣花聲

邀  
於  
小  
菴

人人共喜華胥世何用邀頭羨錦城

朱宮教瀾

瀾字巨觀霖堂先生之子學問該洽能世其家大定二  
十八年進士時年已六十意氣不少襄歷諸王文學應  
奉翰林文字終於待制党趙推挽之力為多以嘗入教  
宮掖故集中多宮詞

寒食不出

地偏無客過吾廬寒食清明入燕居驥子捧甌仍臈茗  
孟光舉按只春蔬蠅沾香篆渾傷字蜂蹙餅花半墮書  
習氣未除還自笑却將佳節付三餘

黃筍雀蝶



飢雀喧爭蚊蝶孤錦宮城闕見丘墟老筌妙意誰知解  
丹粉圖中有諫書

宮詞

太一芙蓉上下天秋波澹澹白生煙採蓮宮女分花了  
笑把蘭篙與子刺船

姑汾漫士王琢

琢字器之平陽人與毛牧達同時相交善天性孝友為  
鄉里所稱酷嗜讀書往往手自抄寫家素貧乏而能以  
剛介自持未嘗有所丐貸時命不偶年四十五以病卒  
士論惜之有姑汾漫士集行于世所著中聖人賦今世  
少有能到者詩好押強韻務以馳騁為工七月十五夜

看月云歷樹有驚鵲悄鄰無吠厖對雨云春雨薄如夢  
曉雲閑似愁秋霖云窓寒知氣重人靜覺泥深驟雨云  
電點撒冰彈電光飛火繩春陰云庭澹梨花月樓寒燕  
子風又雨云練挂遮蒼直麻懸到地齊此類甚多

元夜雪

寶燈樓閣澹連雲轉眄俄驚糝玉塵遊伎行歌俱失意  
疏畦麥壟自知春良宵不肯平平過造物應誇着着新  
獨有中天端正月一樽梅影屬閑人

和張仲宗雪詩不用體物諸字

天人應十歲出此當佳占舞巧穿幽隙堆寒壓短簷閑  
門誰擁筭醉館自開簾比興非無物詩人正避嫌



同漕使趙中憲對雪

投隙穿窻苦見侵向無湘耐若為禁花多不入貧家眼  
歲好方知造物心躍馬共思追兔跡抱戈誰與置羊斟  
新詩與雪爭奇峭擁褐空齋得細吟又一詩南華夢好  
又落花似勝前詩恨  
終篇不能完好耳

癸酉歲大熱

似動不動雲蒸空欲雨未雨天無風時時日脚踏雲破  
一射萬土紅爐中織絺挂體劇重鎧大屋僅可為樊籠  
積冰為丘坐自潰輕篋况得微涼通山林亦聞有暍死  
城市偏側宜無容吾生於熱亦屢度此熱盡可并前鎔  
雖然一氣播常令顛作駭異疑非公曾聞天南有祝融

出入毒霧騎雙龍自從鼎去味神怪無乃煽處行心曾  
手搖斗柄酌炎海力逐熯怒棄離宮喜為鬱蒸怒為火  
流爍金石乾河洪熾昌自欲弄朱夏驕蹇未肯官炎農  
霞煙灼灼燥昏曉鳥獸喘喘茫西東此而不制蒲三伏  
遂恐百物隨枯蓬太白之兵攢萬鋒銀河之浪滔無窮  
可洗虐焰夷姦凶我欲呼懇煩神功耿耿九虎天關重

辛未九月二十一日雪

幾日西郊霧連宵北牖風蒹花猶泛酒雪片忽填空草  
樹秋容失河閔曉氣濛聽初疑落葉仰不辨高鴻爛熳  
三冬意憑凌百圍功披裘赴雞黍掃徑惜籬藪豈料玄  
英巧來爭白帝雄剪裁渾草草飛舞太忽忽抵作干時



電 應古姓字

令非閑北歲豐冬雷怪相似春電冷應同安得蛟龍蟄  
何由翳靄通日華外赤壁天色湛青銅尚有登臨興寧  
無賦詠工煙霞狂醉嘯一發醉顏紅

雨夕感寓

漠漠初燈後森森細點飄繁聲入遠夜冷簾恍秋宵起  
欲吟相和吁無客可招何曾洗兵馬但覺漏薪蕘雷電  
初無預炎蒸遂不驕瀉簷罅未歇欹枕兀無聊澗已山  
輸潦堤應水沒橋長林倦今夕孤鳥撼驚條似我纏憂  
戚因貧墮寂家避人猶虺蜴擇宿等鷦鷯共世難曹禰  
無才匹管蕭苦心還自笑末俗本多囂未老愁摧鬢長  
飢帶臍腰林寒少陵被飲陋子淵瓢射策初游漢潛山

敢傲堯益車竟垂耳風鷄忌干霄一室元空掃千鍾豈  
易要芳蘭逼憔悴尺鷃失逍遙字對諸生識詩煩衆手  
瑤搜末勞賢胃憂擊謝咸韶舊弄新絃掩窮途拙目搖  
爭為壯夫篆只使古風澆血指甘時巧包羞愴道消優  
游能卒歲三四儘論朝故幔幽霖透長檠暗燼挑不辭  
墻出菌儻見穀抽苗屢餐飫貪夫腹翻騰樂歲謠晴樓交  
燕雀涼樹沸蟬蜩坐快虹蜺出憂無萍梗漂浩歌彌激  
烈興在海門潮

呂中孚

中孚字信臣冀州南宮人孝友純至迄今為鄉人所稱  
累舉不第以詩文自娛有清漳集行于世其賦紅葉云



張園多古木蕭寺半斜陽先君子甚愛之

小景

青蕪平野四圍山山郭依依紫翠間村遠路長人去少  
一竿斜日酒旗閑

春月

柳塘漠漠暗啼鴉一鏡晴飛玉有華好是夜闌人不寐  
半庭寒影在梨花

水聲

長陂千頃碧淙淙浪卷秋風過石砭記得夜來愁聽處  
一燈明滅照寒窓

雪

隨風拂拂玉花飄入夜寒窓更寂寥爐火已殘燈未盡  
一簾疎竹白蕭蕭

送李嘉甫信都令耘甫之弟

溪水碧於草溪邊送客行寫詩傳別意把酒聽歌聲去  
路青天遠歸心白羽輕尊前折楊柳一一離情

寫懷

秦川西去遠不意過漳川歸夢三千里羈愁二十年謀  
生空白髮行路若青天餘事休相問相留只醉眠

梨花

等待清明得得芳團枝晴雪煖生香洗粧自有風流態  
却笑紅深睡海棠



集句

騷人吟罷起鄉愁百感中來不自由一種人間太平日  
蒲衣塵土避公侯

柳

風外絲絲鳥綠煙輕花初破不成綿却嫌官路逢寒食  
惱亂離愁似去年

王元節

元節字子元弘州人祖山甫遼戶部侍郎父誦海陵朝  
左司員外郎子元婚於南山翁傳其賦學弟進士雅尚  
氣節不能從俗俯仰故仕不達既罷密州觀察判官即  
閑居鄉里以詩酒自娛號遯齋老人年五十餘卒弟元

德亦弟進士有能名於時終於南京路提刑使

青塚

環珮魂歸青塚月琵琶聲斷黑山秋漢家多少征西將  
泉下相逢也合羞

與党世傑軍判丁亭會飲

望斷西州萬里家又將新火試新茶青油幕下成何事  
兩見常山山杏花

古鎮道中

秀拔諸峯鎮海墩海水氣兩昏昏鷗飛翠竹白沙地  
人宿黃魚紫蠓村向背雲山行處路淺深潮浦漲來痕  
同游幸有能詩客不倦躋攀到石門



李端甫

端甫字濟夫同州人弟進士三王內恕及人榜仕為平定州軍  
事判官工于詩有虎迹未乾溪水近樵聲相答嶺雲深  
之句子實字師白死于壬辰之亂

太白扇頭

巖冰澗雪謫仙才碧海騎鯨望不回今日霜紉見遺像  
飄然疑自月中來

揚澤州庭秀

庭秀字德懋華州人大定中進士學詩於蘭泉張吉甫  
有渴心曉夢江湖闊醉眼春風草木佻之句泰和三年  
刺澤州致仕後閑居鄉里坐為揚珪誑誤被法士論寬

惜之

成臯道中

瘦馬成臯道阻長崢嶸冰雪老年光九閑欲上虎豹怒  
三逕未歸松菊荒崧少雲煙聊駐馬漢唐宮殿兩亡羊  
鄭南嶺下梅花發千里相思空斷腸

李簡之蓮池集句

一月衰顏幾笑開生前相遇且銜杯蓮塘十里花如錦  
有底忙時不肯來

孫省元鎮

鎮字安常絳州人高才博學嘗中省試魁永安二年五  
赴廷試賜弟以陝令致仕年八十四卒有注東坡樂府



歷代登科記行於世弟寧州刺史錡字安世潘原令鉉  
字安道同榜擢第鄉人榮之號三桂孫氏安常孫詵思  
美軍府衆佐安世孫處謙志全安道孫蔚今俱在

許氏雙桂堂

許家二桂聯翩秀孫氏三枝次弟春盛事若將相北竝  
翰君堂上拜雙親

張著

著字仲揚末安人泰和五年以詩名召見應制稱旨特  
恩授監御府書畫

九日

雨沐天容霽欲流好山誇翠出墻頭黃花憔悴東籬晚

一段陶家冷淡秋

雨後

西風無意嫪纖雲掃盡千峯雨脚痕一片秋光清似水  
家家空翠滿柴門

景覃

覃字伯仁華陰人年十八有賦聲大定初三赴策試後  
以病不就舉博極群書有舉問者立誦數百言不休又  
從而講說之為人誠實樂易不修威儀隱居西陽里以  
種樹為業落托嗜酒醉則浩歌日以為常作詩有功樂  
府亦可傳予同年進士王元禮嘗從之學說伯仁老不  
廢書有勸以養日力者曰我輩非讀書則無所用心要



當死而後已耳晚年於易有所得年七十終于家自號  
涓濱野叟有集傳關中

感事

蘭芳切禁當門種李苦何傷並道生自古英雄足猜忌  
莫教身外有浮名

段繼昌

繼昌字子新白水人自號適安居士喜作詩與華陰景  
伯仁相友善家甚貧而世間事皆不以挂口有以錢遺  
之者必盡送酒家名酒曰黃嬌蓋關中人謂兒女為阿  
嬌子新以酒比之故云一日天苦寒人有遺之酒者飲  
不盡而醉夜半忽驚起以衣衾覆酒缸僵卧榻上人為

言酒自不冰先生將不為寒所病乎子新笑曰人病尚  
可酒病不可療也其好飲如此臨終辭鄉里託以他適  
明日卧于党氏園亭大石上視之已逝矣伯仁吊之云  
適安居士舊知閩廟達靈根厭世紛辭罷親朋便歸去  
一籌今日又輸君

梨花

一林輕素媚春光透骨濃薰百和香消得太真吹玉笛  
小庭人散月如霜

一溪

一溪流水走青蛇春在江邊漁父家竹外寒梅看欲盡  
清香移入小桃花



春早二首

魚兒水泛鴨頭綠野馬塵飛羊角風西崦山家籬落背  
杏梢初見一分紅

斷冰銷盡荻芽尖凍籠蘇來白薺添幾片野雲飛不去  
晚風吹作雨纖纖

讀紀信傳

鹿走中原兩虎爭滎陽圍解事堪驚當時拔劍論功者  
失口何人說紀生

岳行甫

行甫字仁老鄜州洛川人在關中最有詩名泰和初有  
以仁老時病詩達之道陵者道陵大加賞異授以官不

就士論高之舊所傳沾泥柳絮燕銜去鎖月梨花鶯喚  
開本前人詩又苦無佳致世俗識真者少悞謂仁老所  
作乃闕傳之曾見仁老詩百餘篇佳句甚多續當就秦  
中好事家搜訪之

謝人惠二小漆冠

規製新翻出杜郎最宜閨子夜燒香不爭寶髻峩宮樣  
自與霓裳配道裝細攏翠鬟雲易滿淺街牙櫛月難藏  
水衡雙寄非無意要買楊枝惱孟光

立春日

銀線青絲翠枕堆爭牛擊鼓欲驚雷翻風鬪巧春頭勝  
灑雪浮香臚毫盃迎煖梢梢金着柳逗寒葉葉粉飄梅



不成一事人空老半百光陰又七迴

迂齋先生周馳

馳字仲才濟南人經學出於醇德先生王廣道賦學出於泰山李時亨至於党趙又其忘年友也資性古雅而以襟量見稱大定中往太學屢以策論魁天下私試亦頻中監元家素饒財鄉人強以子弟從之學所得束脩皆散諸生之貧者貞祐之兵濟南陷不肯降彗二孫赴井死鄉人葬之宅後之壽樂堂遼東人吳子英嘗從仲才學能記其所著亞父撞玉斗賦及他文數篇

箸詩章廟御題限紅字韻

矢束形何短籌分色盡紅駢頭斯効力矢偶竟何功比

數槃孟側經營指掌中蒸豚挑項齋湯餅拌油葱正使遭讒口何嘗發直躬上前如許借猶足沃淵衷

馱子私盍反支起也

勿以微才棄安危任不輕誰怜一片小能使四方平几按由吾正槃孟免爾傾何當遇夷坦沉默更何營此詩王仲澤所傳或以為仲澤作也以其與周才仲詩意相近姑附於此以俟更攷

劉太常鐸

鐸字文仲冀州棗強人承安五年進士元光二年入為太常博士正大初改兵部員外郎以武昌軍節度副使致仕癸巳歲病歿于京師自號柳溪先生有集傳于家



武成王著作序言文仲生未能言已識百餘字及授學  
穎悟過人爲人誠實少許可不徇流俗不慕榮利蓋實  
錄云子敏中字庭幹亦學詩今居洛中

三陽述懷

蟻穴吾猶夢蝸廬此僅容一川青靄合半嶺白雲封地  
僻宜藏拙閑官足養慵只慚無補報潦倒不歸農

即事亦在三陽時作

地與中州迴民餘上古淳峽長深東渭路險曲通秦煙  
柳千家曉風花百里春一官如自擇閑處着閑身

澠池驛舍用花極之即中韻

慣從鞍馬作生涯宿處依依認是家爐火相看衣袖煖  
盤飧未辨驛厨諱淹留歲月頭如雪汨沒風塵眼更花  
永夜如何得消遣新詩吟罷自煎茶

春日

翠微深處幾人家風颺輕煙雨壓沙寒勒野桃開較晚  
向陽才有兩三花

所見

輪竿老子綠蓑衣細雨斜風一釣磯正是隣家社醅熟  
柳條穿得錦鱗歸

讀李訓鄭注傳二首

誰教闕宦作權臣肅代優游到敬文三子謀踈誰不道  
泄機也合罪劉蕡



某醫入侍本防猜偶失機權亦可哀陳竇至今佳傳在  
莫從成敗論人材

### 李扶風節

節字正臣涇州人呂造榜進士以詩名關中資往滑稽  
談笑有味而臨事以幹局稱歷威戎扶風令初名守節  
哀宗即位去守字哀宗知其名謂侍臣言吾不欲人避  
上一字李守節何故避之良久曰臣子敬君避之亦可  
正臣有詩云楛頭打出和糴米丁口簽來自願軍讀之  
則時政可知矣

### 漁父

舉世從誰話獨醒短蓑輕弱寄餘生半篙春水世塵遠  
一笛晚風山雨晴稚乳蒲船生事簡魚蝦到市利源輕  
旁人莫怪機心少曾與滄洲白鳥盟

### 有感

亂離何事最堪傷孝子陵前敗氏莊鑄鐵作門貽鬼笑  
堆金齊斗買天亡春風草蒲藏書壁落日孤鳴打麥場  
惆悵賢郎一丘土過車腸痛獨難忘

### 劉勳

勳字少宣本出洛陽元魏遷洛陽二十萬家實雲中故  
其父祖而上為雲中人至少宣客居濟南樂其風土遂  
占籍焉少日住太學與兄譙庭老俱有聲場屋間南渡  
後專於詩學往往為人所傳其先世本衣冠家風流緼



藉都無科舉氣見于文字者亦然嘗有詩云萬里風  
沙冷病客幾年刁斗厭寒更人憐直道違時好自喜閑  
身與世踈擊筑漫流燕客淚佩蘭誰識楚臣心濟南云  
午風襟袖知秋早甲夜闌干得月多又云舩行着色屏  
風裏人在回文錦字中百和香薰風過處萬盤珠落雨  
來時此類甚多少宣長於尺牘落筆皆有可觀其樂府  
如暮鴉庭院春陰淡之句尤可喜也

讀張仲揚詩因題其上

布衣一日見明君俄有詩名四海聞楓落吳江直好句  
不須多示鄭參軍

偶作

將軍馬躍五柵鼓客子車行三唱雞白髮書生無伎倆

蒲窓紅日醉如泥

杜善甫乞炭

筆口酸嘶解說窮寒爐隨手變春紅因君大笑涪翁拙  
費盡奇香得馬通

呈呂陳州唐卿

警盜何煩鼓夜撾麗譙清晝卷高牙春回和氣一千里  
雪與豐年十萬家逋賦稍寬新得帖軍書不至早休衙  
新年載酒須行樂次第東風遶郡花

秋涼

挑笙乘勢獻微涼紈扇無功送暑光老病不嫌風露冷



莫教添作鬢邊霜

愛詩李道人崧陽歸隱圖

脫却儒冠已自閑  
更令家事勿相關  
百錢便掛青藜杖  
不看先生紙上山

元夜陰晦

逐逐雕鞍趁畫輪  
年芳樂事一番新  
芙蓉城煖東風夜  
楊柳樓深笑語春  
兩鬢愁添新白雪  
十年夢到軟紅塵  
空庭不見梅花月  
寂寞春陰最惱人

傷曹吉甫之死

官職雖低首不低  
爭教有志竟空賈  
向人指畫將何語  
臥筆糊塗不解題  
小女繞床猶戲劇  
老兵伏地亦悲啼

春風繫馬庭前樹  
只想東齋醉似泥

同趙宜之賦梨花月

雪樹生香淡月邊  
相媒相合鬪清妍  
空庭冷落秋千影  
虛度良宵亦可憐

不寐

醉奴作祟攪秋眠  
追咎前非四十年  
一夜蟲聲相計會  
併催白髮到愁邊

戲鄭秀才

張老豆新頻見餉  
鄭家米鑿不須賒  
客來粥熟吾能辦  
要與齊奴聞咄嗟

春日



粉蝶耽香夢正迷黃蜂和蜜計何癡小軒無事誰如我  
臥看楊花點硯池

荅仲和

此身安處苦難尋常羨歸鴉易蒲林望遠真成廣武嘆  
得詩空作洛生吟逢人放適村村酒感物悲哀歲歲心  
想得濟南花正好抱城春水一篙深

李解

解字公渡相人少從王內翰子端學詩能行書工畫山  
水就所長論之詩為長性寬緩笑談有味居京師十五  
年日遊貴人之門所至以上客延之善處世不為人所  
忌疾雅有前輩典刑累舉不第年六十餘卒於通許陳

留之間

漫書

曾懷平日窓八達伎倆只今龜六藏唯有閑情如老菊  
寒華自信晚能香

二老雪行圖

雪明萬仞鄴西山杖屨平生幾往還蒲眼京塵空對畫  
何時真似兩翁閑

秘書張監墨梅圖

張南人

眼中只有梅千樹不挂世間蜂蝶花十載江南春夢斷  
至今清影在君家

燈下梅影



丁年夜坐眼如魚老矣而今不讀書牆角短檠還有用  
瓦餅相對一枝疎

### 秦略

略字簡夫陵川人父事軻有詩名工作大字簡夫少舉  
進士不中即以詩為業詩尚雕刻而不欲見斧鑿痕故  
頗有自得之趣悼亡一詩高出時輩殆荆公所謂看似  
尋常最奇崛成如容易却艱難者耶年六十七卒臨終  
留詩云軀殼羈栖宅兒孫邂逅恩雲山最佳處隨意著  
詩魂簡夫自號西溪老人有集行于世子彥容為黃冠  
師今在平陽

### 拳秀峯

平滑石之俗其俗資磨礪磊醜石之秀其秀在醜中正  
如古丈夫兒寢氣質雄又如聖人心孔竅虛明通大都  
一拳許含蓄蓄華與高大巧本若拙足見造化功好處元  
更多摹寫不易工君其善調護抵擊防兒童

### 雪行

疋馬東來冰雪天蒼山手冷墮吟鞭煙中鳥歸聞雞犬  
不覺人家到眼前

### 鳥影過寒塘

着眼分明莫作疑從來形影本同歸不應水底青天上  
更有飛禽仰面飛

### 悼亡



自古生雖足感傷爭教死別便相忘荒陂何處墳三尺  
老眼他鄉泪數行多事春風吹夢散無情寒月照更長  
還家恰是新寒節忍見堂空帟挂墻

元日

新曆從頭數殘冬與我違不知垂老至但覺拜人稀汲  
水泥融井看書煖入幃澆情墻外柳新綠已依依

贈趙宜之

年時見君行路難喜於長安新得官日來見君鄰婦哭  
驚似藍田尋得玉愛官愛玉樂有涯愛君之詩無盡期  
古人骨冷不復作主張騷雅非君誰

白髮

臨水時自照照我須與眉須眉何所似恰似純白絲從  
茲一白後寧有再黑時譬如花落地不復還故枝殷勤  
語須眉聽我自解詩幼小癡讀書既壯多憂思自苦有  
冰檠自潤無膏脂勞生到今日汝白將何辭

同希顏裕之賦樂真竹拂子

覓箇龜毛抵死難直教擊碎釣魚竿世人不用生分別  
信手拈來總一般

少室山卓劍峯

神威洗盡世間讎電歇雷閑怒氣收一柄太阿留少室  
却擎空掌華山頭

此身



此身日日一簞貧，貧裏留殘自在身。獨把筇枝行又立，東風花柳不嗔人。

穀靡靡上黨公府作

穀靡靡青割將來強，半糶急忙春米送官倉。只恐秋風馬塵起，官倉遠在蕎麥山。南梯直上青雲間，梯危一上八九里之字。百竹紫迴環，憑誰說向監倉使。斛面莫教高一指，請君泂路看擔夫。汗顆多於所擔米。

麝香

山麝逃風遠谷藏，一山行過四山香。齋堂自養千鈞弩，枉怨虞人鼻孔長。

趙洛道中

柔青初散壠頭桑，村落人家布穀忙。一段蕪菁渾着角，葉間猶有幾花黃。

張琚

琚字子玉，河中人。父鉉，字鼎臣，大定中弟進士。仕至同知定國節度使事。子玉刻意於詩，五言其所長也。如初至華下，云：老雨梧桐夜，孤燈蟋蟀秋。客同州云：秋風留客館，夜雨借僧氈。詩人喜稱道之。至有張五字之目集，號韋齋。

移河中

耕戰連年廢，吾知有此行。條山猶在眼，渭水若為情。飽肉豺狼喜，傾巢燕雀驚。西樓今夜月，愁絕是空城。



秋夜

人與年華老愁兼節物雙高風梧墮砌久雨竹侵窻客  
簟悲秋臥僧鍾數夜撞更堪衰躄影蕭颯照寒缸

馬編修天來

天來字雲章人止謂之元章介休人黃裳榜經義進士  
傳學多技能畫入神品百年以來無出其右者屏山常  
言天下辯士有三王仲澤馬元章純甫其一也元章住  
太學十九年貧苦之極人所不能堪然其談笑自若也  
大安初調潁州司候靈壁簿召為國史院編修官正大  
九年病歿於京師年六十一劉紹宣有贈詩云波瀾口  
頰談玄駛土木形骸與世遠疇昔麻鞋見天子只今道

服勝朝衣蓋實錄也元章多作詩欲別出盧仝馬異之  
外又多用俳體作譏刺語如云木偶衣冠休嚇我瓦伶  
口頰欲謾誰噬骨取肥屠肆狗哺糟得醉酒家猪如此  
之類不得不謂之乏中和之氣至其賦丹霞下寺竹云  
人天解種不秋草欲界獨為無色花雪云夜來窻外渾  
疑月今日墻頭不見山末云先生睡起騎驢看太素一  
游非世間龍門云白含雲竇雪青補石門天則知詩者  
亦當以功檢過耳

山中

青林寂寂鳥闐闐畫出風煙落照間脫却草鞋臨水坐  
野雲分我一邊閑



張內翰本

本字敏之觀津人貞祐二年進士工於大篆及八分四十歲後學詩詩殊有古意正大九年以翰林學士從曹王出質客居燕京長春宮將十年後游濟南病卒

得王子正書

晨鵲何處來飛鳴向前除故人在天涯遺我尺素書為言長相思夢寐同所居所居亦靡他上論揖讓初覺來獨愴然淡月留太虛蹇予臨末路世味皆泊如一學未敢輟尚念客氣鉏切磋與琢磨政恐朋友踈自從吾子東門乏長者車發揮天人奧大辯孰起予丹陽何高明吾子昔所廬南軒拂翠筠北潭照紅藻蝗害非不虞子

食豈無餘灤江固自住何堪曳長裾春風旦夕至歸哉莫踟躕

寄弟

離離丘壠田鬱鬱霜露思相隔二十年旦莫一何悲中途涉萬里天幸復來歸燕安此懷居愧彼神與祇叔兮孝且友見義能不疑上念先塋孤亦閔乃兄癡護喪營大葬勤苦我所知昨朝尺書來殷勤咸及茲燈下展轉讀涕淚沾裳衣父祔失臨穴子焉庸我為我非羽毛寄飽食冥然飛田居有素懷行當事畚菑與子奉遺祀沒身以為期

梁都運斗南新居落成



購材燕市中作室何翹翹老手為拮据百日不敢驕室  
成僅容膝勃谿益無聊云胡寫予懷惟是風雨宵先生  
名大夫黼衣華四朝楓堂接桂室燕處俱逍遙新築誠  
瑣兮貧飲稱一瓢居之不自陋無乃壯志消孰知君子  
心一念恒萬朝滔滔寧我盈凜凜不吾凋處樂及處約  
所以長踽踽里社來落成賤子亦見招繁冷無兼味至  
樂等閒韶我獨何人斯末惟德音昭日居及月諸維此  
心摇摇

中秋雨夕呈君美

怪得秋雲不肯晴天公為惜此杯傾無邊清景閑人意  
多事西風送雨聲桂樹娑娑幸勝賞桐枝點滴厭殘更  
殷勤朝鏡休重攬白髮星星又幾莖

九日月中對菊同禧伯即中賦六首

花上清光花下陰素娥惜此萬黃金一杯寒露三更後  
誰信幽人更苦心

九日餘香伴月明一觴亦足暢幽情青樓夜半琵琶語  
不說人間有此清

子山牢落去江南賦主悲哀尚一堪只恐秋天間亦苦  
併催紅雨下霜巖庾信哀江南賦唯以悲哀為主

病魂招得未渾全瞑倚秋屏豈是禪一夢忽成霜蝶去  
草深三逕若為眠

鬼化斯文念賈生精神瑤琢坐寒更一書草就渾衣臥



恨煞東方不肯明

龍山戲馬賞秋光多少新詩入錦囊  
磨滅英雄豈勝數  
千年依舊一花香

申編修萬全

萬全字百勝高平人兄無夷字百福崇慶二年進士百勝少有聲太學中貞祐二年乙科調福昌簿不赴隱居  
盧氏山中以讀書為業作詩有靜功然不多見也正大中召為史館編修從行省廢山南征道中有詩云回首  
秋風謝敝廬岢嶇又復逐戎車人生行止元無定一葦  
江湖縱所如不數日溺水死人以為讖云

病中遣懷

浪走天涯歲月侵病中猶作越人吟  
野藥本自便豐草  
倦鳥寧當忘故林  
畫像功名元有命  
乞墻富貴果何心  
幾時真脫塵囂累  
巖穴尋居不厭深

和陳舜俞詩

開裏那容更刺頭  
石田茅屋喚歸休  
杜門便與詩書老  
過隙從教歲月流  
槃木見容良自媿  
錯刀相贈若為酬  
酌君安得如川酒  
醉眼虬蟬萬戶侯

崔遵

遵字懷祖北燕人父建昌字曼卿大定二十五年進士  
仕至同知武安軍節度使事懷祖事繼母孝與人交有  
終始遲重少語未嘗及人短長少日在太學有賦聲南



渡後不就舉選居崧山二十年課僮僕治生生理亦粗  
給前輩如趙吏部子文張左丞信甫馮亳州叔獻或懷  
祖丈人行皆與之詩酒相往來懷祖喜賓客有蘊藉從  
容文雅使人久與之處而不厭也嘗有宿少林詩云青  
山已有十年舊小雲又為三日留其他往往稱是

送裕之官鄧下兼簡仲澤

青燈別酒夜沉沉力負相思自不任閑裏更誰留我醉  
興來無復伴君吟一枝仙桂知難擬千頃黃陂未厭深  
為向荊州王粲道安排佳境約相尋

和裕之二首

行李西來便得君相從回首七經春君方備悉原思病  
我亦私憐仲父貧底事却成今日別枯腸難着此愁新  
為有火色真將驗馬虎何勞更問辛  
不幸還能作幸民十年同醉潁川春酒船載我雖堪老  
仕路有時或為貧以空山人三日惡夷門紙價一番新  
益知哀樂終年事未唱驪駒臯已辛

王主簿革

革字德新一名著臨潢人以蔭補官碌碌堯庫餘三十  
年正大中以六赴廷試賜出身調宜君簿為人有蘊藉  
善談笑密公與之唱酬相得甚歡初在太原作詩有赤  
心遭白眼笑面得嗔拳之句公甚愛之有詩寄之云柳  
塘雲觀千鍾酒笑面嗔拳五字詩蓋志此也及弟後呈



同年云孤身去國五千里一第遲人四十年大為閑閑  
所稱德新交游滿天下獨許欽叔與予為莫逆云年七  
十八終於雲中

寄荅劉京叔

十年相望惜睽違驚見蘭章墮客扉鄭子已聞耕有谷  
榮公誰念老無衣水浮落日流無盡山礙行雲斷不飛  
千古神川亦吾土幾時同采北山薇

衛承慶

承慶字昌叔襄城人父文仲承安中進士以孝友淳直  
稱於鄉里官至文登今年七十餘卒臨終沐浴易衣冠  
與家人訣怡然安坐誦東坡赤壁樂府又歎人間如夢

以下二句歌闕而逝昌叔資冲澹有父風及識路宣叔  
王逸實文伯起故其詩似之

感興

十日不出門出門春已好並山花更多十里紅未了朝  
看花尚妍暮看花又老蒿紅墮危枝餘香寄芳草人生  
祇如此百年疾過鳥安得脫塵寰遊戲萬物表

劉昂霄

昂霄字景玄別字季房陵川人父俞字彬叔明昌二年  
進士仕為承發司管勾泰和中予識景玄於太原人有  
言是家讀廣記半月能背誦者予未之許也戲取市人  
日曆鱗雜米盞者令讀之一過目無脫遺大率景玄之



學無所不闕六經百氏外世譜官制與兵家所以成敗者為最詳為人細瘦似不能勝衣好橫策危坐掉頭吟諷幅巾奮袖談辭如雲四座聳聽噤不得語故評者謂承平以來王湯臣論人物李之純玄談號稱獨步景玄則兼衆人之所獨愈叩而愈無窮不知去古談士為遠近餘子不論也嘗用門資叙調慶陽軍器庫使不就諸公方薦試宋辭而景玄病不起矣臨終夢賦山泉云帶雲縈遠澗和月到疎林又云萬里馮唐老中年賈傳歸未幾下世年三十七

中秋日同辛敬之魏邦彥馬伯善麻信之元裕之燕集三鄉光武廟諸君有詩昂霄亦繼

作

積甲原頭漢闕宮登臨還喜故人同  
超超萬里乾坤眼凜凜千年草木風  
今古消沉詩句裏河山浮動酒杯中  
極知勝日須轟醉更待銀盤上海東

趙村晚望

放眼東原上風煙接渺茫  
林疎出村落野迴散牛羊  
天地浮元氣山河半夕陽  
登高一長嘯未覺阮生狂

送裕之往洛陽兼簡孫伯英

洛水崧山壽樂堂每從熱惱得清涼  
竹床石枕應無恙尚可分風供十方

題裕之家山圖



萬里神州劫火餘  
九原夷甫有餘辜  
作詩爲報元夫子  
莫倚家山在畫圖

同敬之裕之游水谷分韻賦詩得荷風送香  
氣五字各賦一首

招提有勝踐日暮一經過何物媚游人  
微風動池荷  
尋幽意自愜况與佳人同俗物不到眼  
談笑來天風  
敲門看脩竹重理舊年夢上山復下山  
清風管迎送  
寒泉漱雲根湛然溼鏡光誰知一滴味  
中有曹溪香  
迂辛與臞元得句猶有味頽垣斂暝色  
深竹貯秋氣  
眼色

寄申伯勝三首

直氣南山相與高  
爭教塵土浣青袍  
征科頗似曾料理  
差勝叅軍作馬曹

執版那能拜下風  
世間禮數困英雄  
狂歌醉舞人誰識  
憔悴通泉郭代公

連昌能隔幾牛鳴  
不見令人鄙吝生  
乘興時思一相訪  
劇談豪飲見真情

游五渡谷

南山如碧環缺處蒼崖開當年造物手  
辨此何神哉  
睨倚天壁千古封莓苔源源萬斛泉  
飛出重山來  
白龍三百丈行處鳴春雷  
巨石若棟宇磊砢相推排  
跳波與濺沫餘怒猶喧逐  
我來值杪秋萬壑風聲哀  
黃花雜紅



樹錦繡紛巖隈奇勝夙所貪欲去仍裴回題詩還自笑  
媿我非仙材

田紫芝

紫芝字德秀滄州人父齊以蔭為部掾德秀少孤養於  
外家定襄趙氏故多居於忻年十三外祖廣寧治中命  
賦麗華引語意驚絕人謂李長吉復生資性穎悟一覽  
萬言年二十讀經傳子史幾徧為人踈俊而以蘊藉見  
稱與同郡王元卿齊名貞祐初避兵臺山倉卒為游騎  
所馳遇害時年二十三士論惜之

夜雨寄元敏之昆弟時年十六

醉夢蕭森蝶翅輕一燈無語夢邊明  
虛簷急雨三江浪

老木高風萬馬兵枕簟先秋失殘暑湖山徹曉看新晴  
對床曾有詩來否為問韋家好弟兄

亂後登凌雲臺

愁思紛紛不易裁凌雲臺上獨裴回  
亂鴉背著斜陽去寒鴈帶將秋色來  
破屋無煙空碎瓦新墳經雨已蒼苔  
天翻地覆親曾見信得昆明有劫灰

冥鴻亭下弟後作

眼底功名一物無飛揚跋扈竟何如  
青雲歧路多辛苦賴得皇家結網踈

王萬鍾

萬鍾字元卿秀容人父甫字用之通經史渾質有儒行



亦以知醫見稱兄萬石字器玉住太學有賦聲用之妻  
死不更娶二子俱無家室并曰之事率親為之貧居陋  
巷中破屋蕭然不蔽風雨而弦誦之聲不絕也元卿少  
有逸才讀書有後先不欲速成詩文閑適似其為人客  
至清談終日人不敢以俗事浼之與同郡田德秀齊名  
號玉田評者謂規製宏博玉不及田而蕭灑無塵土氣  
田亦非玉比也元卿嘗有詩寄予閔中云千里呂安思  
叔夜二年社燕伴秋鴻賦梅花云漢宮月下三千額好  
在春風一林痕哭吾兄敏之云蘭徑水流三月暮桂林  
風落一枝春古詩尤蕭散有自得之趣兵火中皆亡矣  
之矣初用之聞北兵入塞即以吾州為不可守去之太

原五年不敢歸貞祐二年州破死者十餘萬人而用之  
亦以是日病歿於太原較其時皆三月三日巳時也人  
謂用之先見固可稱然生死定數亦自不能免云元卿  
父歿之後與其兄居于平晉之金城里明年兵復至兄  
被害元卿欲收葬之時游騎充斥親舊勸勿往元卿持  
不可曰兄死不收留此身欲何用耶流涕而去尋亦被  
禍時人甚哀惜之元卿長予一月死時年二十七矣

### 春宵

風尖月細春猶淺酒冷燈昏夜向深人在西軒愁不寐  
十年間事總經心

元氏桂軒為敏之賦



簾捲堂前桂子涼一軒燈火夜初長月中春好元無價  
天上風來別有香棠棣一家同映秀詞林百世繼餘芳  
閑花野草空無數掩盡人間獨擅場

江村風雨圖

秋風撼撼澹林暉煙靄昏昏失翠微一段蓴鱸江上興  
蓬窻岑寂夢魂飛

雷瑄

瑄字伯威坊州人以薦書從事史館調八作司使博學  
能文時輩少有及者并州人李汾與伯威同在史館以  
高寔得罪伯威作詩送之頗譏翰林諸人不能少忍至  
與一書生相角逐使之狼狽而去有郎君未足留商隱

官長從教罵廣文之句又云明日春風一抔酒與君同  
酌信陵墳人甚稱之

信陵館酒間二首

閑過信陵飲有懷信陵君君去日已遠誰怜抱關人徑  
携一壺酒往酌公子墳墳科久已平墓木幾為薪泉扉  
鎖長夜千載不復晨昔與賢俊游今為孤兔隣豪貴竟  
安在念之心紛紛有生會歸盡但恐後無聞此意不可  
必且醉梁園春

維昔有迂叟樹桐彼高岡殷勤為封植遂欲棲鳳凰桐  
生日已長鳳來殊未央維鳳覽德輝非時詎來翔枝幹  
枯以死志願終莫償憶在西周初飛下岐之陽裴回不



能去和鳴聲鏘鏘文王既已沒千載徽音亡咄爾叟何  
為而欲發其光空令枯株上日晏啼鴉鷓

客有自閔輔來言秦民之東徙者餘數十萬  
口携持負戴絡繹山谷間晝食無糗精夕休  
無室廬飢羸暴露濱死無幾間有為秦贅焉  
去國之情者其始則歷亮而宛轉若有所訴  
焉少則幽抑而悽厲若訴而怒焉及其放也  
鳴鳴焉悒悒焉極其情之所之又若弗能任  
焉者憶秦子父母國也而客言如是聞之悲  
不可禁乃為作商歌十章倚其聲以紓子懷  
且俾後之歌者知秦風之所自焉

扶桑西距若華東盡在天王職貢中一自秦原有烽火  
年年選將戍河潼春明門前灞水濱年年此地送行頻  
今年送客不復返卷土東來避戰塵盡室東行且未歸  
臨行重自鎖門扉為語畫梁雙燕子春來秋去傍誰飛  
灞水河邊楊柳春柔條折盡為行人只愁落日悲笳裏  
吹斷東風不到秦累累老稚自相携側耳西風聽馬嘶  
百死纔能到閔下仰看猶似上天梯上得閔來似得生  
閔頭行客唱歌行虛巖遠壑玄相應轉見離鄉去國情  
前歌未停後迭呼歌詞激烈聲嗚嗚天下可能無健者  
不挽天河洗八區折來灞水橋邊柳盡向商於道上栽  
明年三月花如雪會有好風吹汝迴行人十步九盤桓



巖壑縈迴行路難忽到商顏最高處一時揮淚望長安  
西來遷客莫回首一望令人一斷魂正使長安近於日  
煙塵滿目北風昏

陽夏懷古

短衣匹馬西北來十年去國隨風埃解鞍呼酒歌一曲  
玉鞭倒捉敲金壘君不見項王臺昔時崔嵬今已頽秋  
風蕭瑟吹草萊又不見漢王城昔時岌嶷今已平寒煙  
寂寞啼鸞猩牧童擡頭學楚聲野老扶犁城上耕耕勢  
不斷楚聲哀行人欲去還徘徊劉項英雄安在哉人間  
俯仰易陳迹聞身健在須銜杯

龍德宮

紫簫吹斷綵雲歸十二樓空盡玉梯綵仗竟無金母降  
仙裾猶憶化人携千年洛苑銅駝怨萬里坤維杜宇啼  
莫倚危欄供極目斜陽更在露盤西

南國

南國春生江水肥烏檣風扇錦帆歸吳兒日暮棹歌發  
驚起鴛鴦相背飛

古意四首

美人傷獨宿窈窕春閨深素手卷翠被當窻調玉琴危  
絃奏苦調清歌抗哀音絃絕歌復咽起作薄命吟妾如  
朱槿花含英愁晏陰卽如青銅鏡照面不照心不怨不  
照心但惜飛光沉且留連理枕莫捲合歡衾儻君回餘



輝歡盟尚可尋

對酒不能飲拊劔自度曲一唱行路難歌與淚相續朝  
為楊朱泣暮作阮籍哭古道盡荆棘新蹊苦蕘菜曲行  
違吾心直行傷我足曲直無適從昂頭羨鴻鵠

綿綿菟絲草濯濯檉樹枝結根偶相值引蔓纏綿之春  
風一披拂柯葉含榮滋弱質附美蔭百齡誓不違清商  
忽用事霜飈颭已凄豈意百尺條同此寸草萎委蔓失  
所託憔悴徒傷悲知君無歲寒何用相因依

賢王悲墜履賢婦念遺簪重在不忘故微物何所欽嗟  
我昔游友雲路揚徽音詎念宿昔好棄擲各飛沉昔如  
膠投漆今如辰與參桃李雖成蹊諒無松柏心

王亳州賓

賓字德卿亳州人貞祐二年進士由虹縣令入為尚書省  
令史壬辰京城受圍亳州為單父軍楊春所據春以事  
出德卿與故譙縣尉王進反正朝廷授進集慶軍節度  
使德卿同知使事明年夏六月車駕幸蔡道出于亳德  
卿逆謁上與語慰勞者久之詔行六部尚書事仍賜世  
爵後數日部曲崔七輩以軍食不給送款執德卿與副  
使呂鈞往市中鈞且行且拜泣涕不休德卿毅然無所  
屈大呼曰但殺但殺不能從汝也是日遇害德卿學詩  
甚力故所得亦多如風生傳令箭星落受降城烟外暮  
鍾催倦馬林間殘照聚歸鴉倉小軍爭米村荒虎食牛



又贈剛上人云楞嚴讀罷爐煙冷澹坐山堂閱世人言  
懷云功名不到書生手坐撫吳鉤惜壯圖題馬立寺壁  
云落葉擁窗僧入靜孤燈穿屋客吟秋人甚稱之

衛真道中

毳袍落托又西征陌上東風小雪晴草色換回原燎黑  
冰澌消入水痕清年華荏苒心情減邊事倉皇夢寐驚  
早晚渦南傳吉語一犁煙雨趁春耕

舟中

河伯夸秋漲舟人健晚涼櫓聲搖落月山氣鬱蒼蒼

除夜

落托功名挽不前圍爐兀坐夜蕭然臘殘畫角東風裏  
春到梅花小雪邊守得歲來慵攬鏡送將窮去自裝舟  
平明點檢人間事只有詩魔似去年

李夷

夷字子遷後改名斌宛丘人苦於作詩賦古鏡云盤盤  
古皇州夢斷繁華歇一鞭春事忙耕出壠頭月土蝕背  
花昏蹄泮駭龍蹲須驕怒欲張縮手不敢捫又云壽光  
閱人多曾有此客否欽叔諸人甚愛之

贈國醫張子和

禁藥喧喧以字行粗工往往笑狂生天將借手開金匱  
雲本無心到玉京歌嘯動成千日醉留連翻厭五侯鯖  
祝君莫觸曹瞞怒世上青黏要指名



古劍

古柵崖摧老雨天忽驚神物茁蒲然蛇吞元氣蟄千載  
龍逐奔霆脫九泉道首未歸豪誠裏缺歌聊發慨彈邊  
物猶屢出為時用撫匣潛然惜壯年

書淵明傳後

南渡龍孫角禿顛不甘橫斃寄奴弦一襟義氣麾周粟  
滿簡清風削宋年雪徑區迴松落落霜籬健羨菊鮮鮮  
時也謚輩輕頽節頽厚吾家草木賢

郭邦彥

邦彥字平叔本鄆縣人僑寓陽翟遂占籍焉興定五年  
進士調求城簿以退讓見稱生世不幸處干頑囂傲三

者之間鬱鬱不自聊年未四十而死寄庵先生愛其詩  
甚嗟惜之

秋夜聞彈箜篌

露重花香飄不遠風微梧葉落無聲倡樓何處教新曲  
夜靜月高弦索鳴

村行三首

棗花初落路塵香燕掠麻池乍頡頏一片雲陰遮十頃  
賣瓜棚下午風涼

芹葉蘆花岸兩邊釣溪石畔落孤鷺小畦引入平流水  
麻桿森森已拍肩

豆葉芄芄蔞葉光植禾得雨又催黃田家樂事誰真得



牧子行歌醉叟狂

酒醒

少年驕氣總消磨萬事紛紛夢裏過三載自持葷食戒  
一心還被性宗魔凌煙閣上榮名好聚窟州邊樂事多  
今日酒酣都忘却亂吟非語作狂歌

讀毛詩

含氣有喜怒觸物無不鳴天機泄鳥迹文字從此生誰  
言土葦器聲合天地清撲壞犧氏瑟巧露媧皇笙末流  
不可障聲律隨合并徧讀蕭氏選不見真性情怨刺雜  
譏罵名曰離騷經頌美獻諛諛是謂之采銘詩道初不  
然自是時代更秦火燒不死此物如有靈至今三百篇

殷殷金石聲漢儒各名家辯口劇分爭康成獨麾戈諸  
儒約連衡奈酒最後出千古老成精我欲讀爾雅不辨  
螿蟹名尚憐沈謝輩蒲篋月露形孔徒九幾人入室無  
長卿三子論性命舉世為譏評白首草太玄才得覆醬  
罌不如匡鼎說愈笑人愈聽

史學

學字學優延安人兄才字才長住太學有聲學優正大  
中省試第一人釋褐舞陽簿辟盧氏令卒官妻李氏國  
初河南尹成之孫女小詩殊有思致學優嘗客京師有  
所眷久而不歸李作詩寄之云百年風樹底誰淚到君  
前學優得詩即日命駕



陪陳彥文謁筠泉榮上人

才長

強隨禪客到西禪竹栢團青蔭石泉一首小詩吟不就  
閑情元在落花邊

宮詞

學優

寶帶香構水府仙黃旂綵扇九龍舫薰風十里瑤華島  
一派歌聲唱採蓮

默翁溪山橫幅默翁龐都運才卿自號

五雲雛鳳下遼天來作金鸞翰墨仙詩酒償殘鷓鴣館債  
簡書薰破鹿門禪自於歲月壘中老盡攬溪山筆底傳  
短草疎林秋一幅典刑人物記當年

李道人崧陽歸隱圖

石壁城頭夜斬關軟紅塵底曉催班道人一笑那知許  
門外清溪屋上山

晚梅

孤根春半恰春回剛逐天桃艷杏開蝶子蜂兒應有語  
東風元不為渠來

七夕

箱牛迴馭錦機閑天上悲懽亦夢間月夜竝有人不見  
蕭蕭風葉蒲驪山

醉後

觀魚暫覺心差樂化蝶元來夢亦忙得似醉中都放下  
春風自與百花香



過太室

三輔祥開表聖期三呼天壽與天齊殿栖碧瓦仍唐制  
洞鎖蒼苔失漢題柱玉已聞安廟拓劍鋒重為剪撐黎  
升中剩有辭臣賦蒲望鸞旂鳳蓋西

玉柱卓劍二峯名

侯冊

冊字君澤以門資仕與杜仲梁張仲經劉京叔游用是  
得名嘗作樂府云玉堦春草傷心碧錦瑟華年過眼空  
又云千金買斷青樓月爛醉桃花扇影風人多愛之壬  
辰歲病京師園中作詞云回首鳳凰城下路人不見月  
茫茫明日君澤死其後京城亦丘墟矣

寒食

交游零落葉辭柯歲月崢嶸馬注坡燕子不來寒食過  
蒲城風雨落紅多

醉中

爛醉歸來驢失脚破靴指天冠倒卓起來白眼望青天  
狂氣崢嶸無處着陶潛止酒意有在鋪糟醖醕良未害  
君看謝奕對桓温得失老兵何足怪螟蛉蜾蠃待二豪  
飲中寧有山家濤平明徑訪陳驚坐相對春風把蟹螯

學古體

桐風吹月烏啼井蟾波濕露沉雲影素絲牽玉轉泉華  
美人睡覺燕支冷銀鉤掛簾北窓曉翠鬟臨鏡雙鸞小  
黃衫少年望不來寂寂庭堦蒲春草



昨朝

昨朝已作春歸辭今日還成送客詩  
客子春光俱不見落花寂寂閉門時

楚宮

離宮樓閣與天通暮雨朝雲入夢中  
回首舊時歌舞地女蘿山鬼泣秋風

王元粹

元粹字子正初名元亮後止名粹平州人  
系出遼世衣冠家年十八九作詩便有  
高趣性習專固世事不以累其業故  
時輩無能當之者正大末用門資叙  
為南陽酒官遭亂流寓襄陽襄陽破  
隻身北歸寄食燕中遂為黃

冠師有十月風霜侵病骨數家針線  
補殘衣之句親舊有怜其孤苦欲為  
之更娶者子正業已高舉主太極道  
院竟不能自返年四十餘癸卯九月  
病卒詩人淄川楊叔能挽之云匹婦  
主中饋雖貧生理存五言造平淡隻  
影臥黃昏謾下陳蕃榻虛沾文舉尊  
北平家世絕銜恨入荒原從弟鬱亦  
攻詩方之其兄蓋商周矣

春日 時年十八

春日何慘慘春雲何陰陰桃李都未  
花况乃餘寒侵久在 cities 居而無  
人見尋讀易了一編靜見天地心貧  
士寡徒侶古來非獨今

臨高



客子臨高秋思生碧山無際暮雲橫但看八月草木落  
未見中原塵空清流景暗徂人易老故園何在夢頻驚  
樽中有物同誰盡正要相看醉膽傾

葉縣贈李長源

相見各異縣歲暮風霜清三日同眠食深見故人情借  
問何所歷大梁與秦京悠悠川途未冉冉歲月傾子當  
東北馳子亦西南征人事相羈束何時當合并聊斟昆  
陽酒為澆胃次平出處固難必勉哉崇令名

送李文起令鄆城

好去鄆城宰當途有薦章長才試縣邑嘉政寄循良遠  
路連秋草征衫帶夕陽濟時公等在吾欲泛滄浪

九日

憑高一望客心傷風景蕭條是楚鄉飛鴈欲歸何處去  
幽花還似昔年芳詩因感物聊成詠酒為隨人強舉觴  
十載蹉跎身事晚每逢佳節轉淒涼

壽李長源

匹馬短衣看此行看君誰信是書生聽詩未覺秦川遠  
倚劍常懷晉水清一飯見哀韓信取千金為壽魯連輕  
壯年休洒新亭泪且為江山灌巨觥

旅次

旅次渾無定生涯亦漫勞病求方士藥寒憶故人袍避  
俗惟黃卷忘憂但濁醪柴門多落葉昨夜朔風高



西山避亂三首

蒼山多回互四望令人迷過午日已煖殘雪融為泥路  
滑不可進弱葛愁攀躋老幼委溝壑不如犬與雞嗷嗷  
同行子手中各有藁汲澗為飲食架木為巖栖夜半三  
四驚翁媪林杳見啼念我長病母亂離隔東西

野宿不得曉飛霜沾敝袍空山凝寒色天邊星月高憶  
昨離鄂城數家同迢迢穿林恐相失前後聞呼號避亂  
但欲遠焉知登頓勞俯臨萬仞壑性命輕鴻毛

青青道邊麥知是誰家田山田固已薄榛石復相連旁  
有破茅屋日入不見煙借問舊居者聞亂已西遷平生  
苦淪薄對此增慨然甲兵暗宇宙誰能安一屨愁憂無

從許仰面視蒼天伐木南澗底雙鹿過我前

還鄂城舊居 四月六日作

南風兵塵遠病客返舊居入門顧西壁書籍亦無餘數  
口共嗷嗷日事將何如屋破未暇葺草蒲須當鋤昔去  
李冬末今來孟夏初深媿資用絕時時煩里閭

經廢宅

誰家住宅北山隈亂後逋人尚未回惆悵門前是官道  
臨風一樹杏花開

登鄂城寺樓

亂後行藏豈自由此身雖在病兼憂一杯徒積黃泉恨  
四壁難為白日謀數極乾坤見中瓦跡隨溝壑恐長休



可憐海內干戈滿獨對江山倚寺樓

八月二十三日夜走西山

婦病不能進兒啼不肯行蒼茫荒野外北風鼓鼙聲老幼  
夜中迷失路入榛荆月出天欲曙山頭烽火明鄧卒一戰  
潰敵勢遂縱橫昨朝使帖下主將亦還營嗷嗷二十載  
何時見昇平我生值世亂世亂難為生

哭李長源

十月西來始哭君山中何處有孤墳以才見殺人皆惜  
忤物能全我未聞李白歌詩堪應詔陳琳書檄偶從軍  
窮途無地酬知己會待外平緝舊文

襄陽七絕句

江雨初晴江漲發涼風吹水波浪開日暮津頭聞打鼓  
越商巴賈卸舩來

街頭魚米近頗貴縮項長腰最可珍江東尊鱸亦何好  
能令張翰稱達人

近值喪亂棄中原南來亦復著南冠吾家舊井峴山畔  
野老謾作北人看

襄陽城府自古雄千甍萬瓦當晴空短衣少年何處客  
相邀一醉楚樓中

城東大堤堤上頭何處女郎同出遊紫蓋留連不歸去  
唱歌日暮傍汀洲

江上小兒誇善沒一日入水知幾回汝曹未有機心在



綠底鷗鳥不飛來

歎息耆舊不復見欲問土風誰為陳羊公遺碑武侯廟  
江邊酒家說向人

武侯廟

武侯祠廟南山曲苔蒲荒碑不堪讀客子登臨又一時  
秋色蒼蒼入喬木天下不可無奇材千年精爽安在哉  
孤吟裴回不忍去寒日欲下悲風來

萬里

萬里江山動楚吟異鄉風物長年心孤身轉覺乾坤窄  
往事空驚歲月深木落高城初過鴈霜飛幽館夜聞砧  
蹉跎未就東遊計醉後悲歌淚滿襟

醉後

雲自無依鶴自孤此生誰信有窮途干戈二十年來客  
留得殘骸傍酒爐

丹陽東樓

仙人樓居避蒸濕東樓縹緲群仙集風吹高栢影在衣  
忽驚蒲坐蛟龍入日晚留連共一觴歸來如夢海生桑  
片雲送雨山頭黑傍水低飛燕子忙

東樓雨中七詩

水邊人去燕爭泥風動綠荷香蒲溪高樹遠樓遮望眼  
獨看山色過塔西  
倚樓人看水東流橋上行人却望樓零落故官無覓處



蕭蕭禾黍蒲城秋

多年蒼陌拂蒼枝燕子飛來語向誰枕簟不防留客住  
蒲樓風雨下簾時

雨入溪樓不見山雨晴依舊數峯閑韋即詩句王維畫  
好在幽人指顧間

庭中野蔓走青蛇窗外萱葵亂彩霞雲漏斜陽雷漸遠  
東邊飛雨到瓊華

好風吹袖覺涼生雨後東溪水面平無數荷蓮看正好  
却嫌波底亂蛙鳴

溝水清冷樹蔭圓下樓閑步上樓眠夜來夢裏驚風雨  
元是松聲到枕邊

王鬱

鬱字飛伯少日作樂府擬古別離有黃鶴樓高雲不飛  
鸚鵡洲寒星已曙之句人多傳之其後入京師大為李  
欽叔所稱與之詩云詩句媿國風下者猶楚辭贈詩者  
甚多有云憶昔穎亭見飛伯恍若夢中逢李白又云紫  
陘仙人今淵雲騎風御氣七尺身又云良金元有價白  
璧况無瑕又云王郎少年詩境新氣象慘澹含古春筆  
頭仙語復鬼語只有温李無他人飛伯用是頗自貴重  
云

春日行

春日飛春野寂紅朋碧友元胎濕東風着意寒食時遊



絲粘人困無力小鈴犢車讌堤沙鳳簫驚落瓊英花荒  
墳頽頽啼夕鴉草荒月黑鬼思家

寄遠吟

一封征人書秋帆蕭湘岸當君高樓醉憶妾空閨嘆

陽關曲

城東車馬已促裝城西江水青茫茫綠楊陌上一盃酒  
離愁慘淡春無光秦樓花映晴煙直誰家少婦當門立  
金鞭入手紫燕嘶回首飛雲晚山碧

傷別曲

蘭皋飛暗塵征車紆去轍長安雖咫尺回首繁華歇  
故人亭下酒蛾眉眼中血平生慷慨腸忽作柔絲結傳

聞紫塞旁秋烽下危堞班超未投筆來瑱空嚼鐵誰能

金閨中坐眷娟娟月

長安少年行

新月平康金步蓮青雲戚里玉連錢誰家年少秋風裏  
梁甫吟成抱劍眠

楚妃怨

涼風遶樹秋長河絡天碧深宮悄無人月暗莎雞泣

古別離

山腰露蕙含天淚江林楓葉秋容醉夫君八月鴈門行  
碎霜冷印白龍轡憶君挑妾初鳴琴琴中已有白頭吟  
朝朝暮暮當時事言之愁足傷人心君不見湘妃二女



哭舜時煙筠青玉紅珠滋蒼梧人去百想絕忍交今日  
生離別生離別情偏重不及雙飛南浦雲落紅寂寂春  
閨夢

秋夜長

秋風嫋嫋吹庭樹傷心一葉隨風去葉隨風去何所之  
似我年年困羈旅神繆紆屈泥中蟠青雲未到誰汝伶  
愁來不寐起視夜斗柄斜指西南天

折楊柳

長安二月多綠揚遠信未到龍庭旁佳人中夜抱影坐  
風窻泠泠愁思長青天無雲一鏡紫萬戶千門音響絕  
何人橫笛在高樓玉龍叫徹春江月

遊子吟

短日空裴回流雲自來去茫茫曉野客衣單白露無聲  
落秋樹

楊翟贈李司戶國瑞

洛陽賞盡牡丹春寂寞釣臺對夕曛手折幽蘭贈行子  
多情惟有李參軍

飲密國公諸子家

宣平坊裏榆林巷便是臨淄公子家寂寞盡堂高貴少  
時容詞客醉琵琶



中州夷集卷終

中州夷集卷終



卷之三